

Te Whakamahi i te Whare Titonga Puoro – Ngā Whakaritenga me ngā Here

Ina hokona e koe te āheinga ki te rīhi taonga i tā mātou kohinga, e whakaae ana koe ki ngā whakaritenga me ngā here e whai ake nei:

1. E mārama ana au/mātou ko te kaupapa o te Whare nei, ko te tuku tauira o ngā titonga, ngā hopuranga me ērā atu rauemi toro ki ngā tāngata takitahi me ngā whakahaere e ngākaunui ana ki ngā titonga puoro a ngā kaitito o Aotearoa, e minamina ana rānei ki te kawē i ngā mahi nei ki te atamira, ki te hopu, ki te pāpāho rānei i ngā mahi nei.
2. Ko ngā mea ka tangohia i te Whare nei, hei āwhina i ngā mahi akoako anake. E whakaae ana au/mātou kāore ngā titonga puoro me ngā hopuranga oro e tāruatia, e tohaina rānei ki ētahi atu.
3. E mārama ana au/mātou kāore e whakaaetia te whakamahi i ngā hopuranga mō ngā kaupapa kura i ngā wāhi tūmatanui ki te kore e mātua whakaaetia e te kaitito, e te tangata/hunga rānei nōna te manatārua.
4. Kāore a Toi te Arapūoru e whai wāhi ki ngā āhuetanga manatārua. Ki te hiahia au/mātou ki te hiki i tētahi titonga i te atamira, i tētahi atu wāhi tūmatanui rānei, kei a au/mātou te pīkaunga ki te tono kia whakaaetia i raro i te manatārua.
5. Ka whakaaetia kia noho mai ngā taonga taurewa ki a au/mātou mō te rua marama mai i te rā e tukuna mai ai.
6. Ki te kore e whakahokia ngā taonga i te rā e tika ana, he utu te whiu, ka mutu, tērā pea ka hikina anō hoki taku āhei ki te tango i ētahi atu taonga, mō tētahi wā. Ki te ngaro he taonga taurewa, e whakaae ana au/mātou māku/mā mātou tonu e utu te mahinga mai o tētahi tauira anō o te mea rā, me tētahi utu whakahaere e rite ana. Ā, ina tūpono kitea anō te taonga i ngaro, e kore a SOUNZ e whakahoki mai i te utu whakakapi me te utu whakahaere ki a au.
7. Ka mahi a SOUNZ ki te tuku mai i ngā mea ka tonoa e au, engari ki te kore e taea, e kore a SOUNZ e noho papa i tēnei āhuetanga.

8. Ko te utu whakauru ki te kahui tango taonga taurewa, ka whakamahia hei tiaki, hei whakawhanake i te kohinga a SOUNZ. E marama ana au/mātou, māku/mā mātou tonu e pīkau ngā utu o te tuku mai me te whakahoki atu i ngā taonga taurewa ki a SOUNZ.

9. I a au ka whakamahi i ngā ratonga tuihono, e whakaae ana au/mātou ki ngā [Whakaritenga me ngā Here Whānui](#) e pā ana ki te pae tukutuku.

He whakamārama atu anō

Te whai wāhi ki te kohinga

- E taea ana te nanao iho ngā pārongo mō te kohinga a SOUNZ, mā te tuku tonu ki Toi te Arapūoru, mā te toro rānei i tā mātou pae tukutuku: www.sounz.org.nz.

Te āheinga ki te tango taonga taurewa

- 12 marama te roa o te āheinga, mai i te rā e whakauru ai koe ki te kāhui. Ka taea te whakahou ina eke te wā.
- Ina hokona te Āheinga Arowhānui e herea ai te maha o ngā taonga taurewa e taea ana e te kairīhi kotahi te tango, ki te eke te tapeke o ngā taonga e whakaaetia ana kia tangohia i te tau i mua i te paunga o taua 12 marama, ka pau te kaha o te āheinga. Heoi anō, ki te pērā, e taea ana te hoko āheinga atu anō i te ipurangi, e taea ana rānei te hoko āheinga tāpiri, mā te whakapā mai ki a mātou i SOUNZ.